

Plagiat

Plagiat sunaava?

Plagiat, tassaavoq, allap suliaa atoraanni, najoqqutarisatullu nalunaarutigina.

Plagiat aamma tassaavoq ilinniartup allaaserisaq oqaatsinit allaniit nutseruniuk, imaluunniit allap allataa allanngulaarlugu atoruniuk.

Assersuutaasinnaavoq

- Allaaserisat Copy/paste internet-imiit aagaanni soorlu Wikipedia-miit
- Akissutinik suliaakkiissutinit aallersimagaanni soorlu studienet.dk aamma opgaver.com-imiit
- ChatGPT imaluunniit allaqatigiittarfiit chatbots aamma AI-miit aalleraanni
- Ilinniartup allap suliaaniit issuaagaanni

Plagiat peqquserluttuliorneruvoq, ilinniartoqarfinni tamaniit akuerineqarsinnaanngitsoq. Patsisit arlaqarput

- Ilinniartitsisup ilinniartup killiffia nalilersinnaasussaavaa
- Ilinniartoq ilikkagaqarnaviannngilaq
- Allat suliaannik ataqqinninnginneruvoq.

Qaqugukkut plagiat-iusarpa ?

Ajornakusoorpoq naliliissalluni qaqugukkut plagiat-iunersoq imaluunniit naamik. Allaaserisami immikkoortoq naammappa? Qanoq annertutigissava?

Ilinniartitsisup nammineq nalilissavaa plagiat-iunersoq. Ilinniartitsisup nalilerpagu akissut tamarmi, imaluunniit annertunerpaartaa tamarmi plagiat-iusoq, taava plagiat-iuvoq.

Ilinniartitsisup nalilerpagu, akissutip ilaa plagiat-iusoq, periarfissaqarpoq plagiat-iunngitsutut nalilikkani naliliivigisinnaallugu.

Pinngortitalerinemik sammiveqarluni fag-ini nalinnaavoq eqimattakkuutaarluni misissuisarneq, allaaserinninnermilu aamma allaqatigiittoqartarluni. Taakkua isumaqanngillat plagiat-iusut, eqqarsaatilli ataatsimoorluni pilersinneqarsimasut allaaserineqartarput.

Ilinniakkeraluni café-rnermi ilimanaateqartorujuusinnaavoq, ilinniartitsisuniit ikiorneqarsimatilluni, ilinniartut akissutai assigiikkannersinnaasut, soorunami taanna aamma plagiat-iunngilaq.

Plagiat-ip kinguneri suusinnaappat?

Tunniussassat naliginnaasut.

Ilinniartitsisumiit akissut nalilerneqarpat tamarmi plagiat-iusoq imaluunniit akissutip ilaa plagat-iusoq, periarfissat ukuupput

- Tamarmi plagiat-iuvoq: Suliassaq akineqanngilaq tunniutinngitsoortutullu nalilerneqassaaq.
- Suliap ilaa plagiat-iuvoq: Ilinniartitsisoq naliliissooq, allaaserisap ilaa plagiat-iunngitsoq naliliissutigissallugu naammannersoq. Periarfissaavoq aamma tunniussaq tunniutinngitsortutut nalunaarutiginnissaa.

Ukioq siulleeq tunniussassaq aamma 1g, 2g-milu studieretning-imi projekt-iliorneq.

Ilinniartitsisumiit akissut nalilerneqarpat tamarmi plagiat-iusoq imaluunniit akissutip ilaa plagat-iusoq, periarfissat ukuupput

- Tamarmi plagiat-iuvoq: Suliassaq akineqanngilaq ilinniartooq karakterimik F(-3)-mik tunineqassooq.
- Suliap ilaa plagiat-iuvoq. Ilinniartitsisup akissut plagiat-iunngittoq naliliivigissavaa.

Studieprojektet.

Ilinniartitsisumiit censor-imiillu akissut nalilerneqarpat tamarmi plagiat-iusoq imaluunniit akissutip ilaa plagat-iusoq, periarfissat ukuupput

- Tamarmi plagiat-iuvoq: Suliassaq akineqanngilaq ilinniartooq karakterimik F(-3)-mik tunineqassooq.
- Suliap ilaa plagiat-iuvoq: Ilinniartitsisup censor-illu akissut plagiat-iunngittoq naliliivigissavat.

Plagiat qanoq pinaveersaartinneqarsinnaava?

Ilinniartitsisoq piaartumik ilinniartunut ersarissumik paasissutissiisaaq, plagiat qanoq paasisariaqarnersoq aamma peqquserlunneq pillugu.

Ilinniartut paasissavaat, suliakkiissutit akinerini naliliinerni kingornalu misilitsinnerni naliliinerni kinguneru suunersut.

Fag-ini humanistiske-ni samfundsvideenskabelige fag-inilu pisariaqassaaq, ilinniartut piaartumik ilikkarunikku akissutiminni najoqqutarisatik eqqortumik nalunaarutiginnissaat.

Fag-ini pinngortitalerinemik sammiveqarluni ilinniartut, tulluutissooq piaartumik ilikkassallugu kikkut suleqatigisimanerlugit erseqissumik nalunaarutigisarnissaat, taamatuttaarlu kikkut eqimattani rapoort-ilioqatiginerlugit nalunaarutigisarnissaat.

Fag-ini ilinniartitsisut taavalu studiemetodik-imi ilinniartitsisut studieretningsprojekt-iliunnginnermi studieprojekt-ilinnginnerannilu najoqqutarisat nalunaarsortarnerinik ilinniartut ilitsersuunneqassapput, nalunaarsuilluanngikkaannilu kingunerisinnaasaanik aamma nassuiaanneqarlutik.

/MH